

اتوار 20 ستمبر، 2026

مضمون۔ مادہ

سنہری متن: زکریا 4 باب 6 آیت

”نہ تے زور نال تے نہ طاقت نال بلکہ میری روح نال فوجاں دارب آکھدا اے۔“

جوابی پڑھائی: زبور 114 باب 1 توں 7 آیتاں

- 1۔ جداسرائیل مصر وچوں نکل آیا یعنی یعقوب دا خانوادہ اجنبی زبان قوم وچوں۔
- 2۔ تے یہوداہ اوہدا مقدس تے اسرائیل اوہدی مملکت ٹھہریا۔
- 3۔ ایہہ دیکھدیاں ای سمندر نسیا۔ یردن پچھاں ہٹ گیا۔
- 4۔ پہاڑ مینڈھیاں وانگر اچھلے تے پہاڑیاں بھیدھاں دے بالاں وانگر پڑکیاں۔
- 5۔ اے سمندر! تینوں کیہ ہویا پئی توں نس دا ایں؟ اے یردن! تینوں کیہ ہویا پئی توں پچھاں ہٹ دا ایں؟
- 6۔ اے پہاڑو! تہانوں کیہ ہویا پئی تسی مینڈھیاں وانگر اچھلے او؟ اے پہاڑیو! تہانوں کیہ ہویا پئی تسی بھیدھے بالاں وانگر پڑکدیاں او؟
- 7۔ اے دھرتی توں رب دے سامنے۔ یعقوب دے رب دے سامنے کب۔

درسی وعظ

بائبل وچوں

1- زکریاہ 2 باب 13 (توں: آیت

13- اے بنی آدم خداوند دے سامنے چپ رہو۔

2- دانی ایل 3 باب 1 (توں پہلی)، 4، 6، 8، 9، 12، 13 (توں پہلی)، 15، 14 (جے تسی عبادت کردے اودہ) 19 (توں:)، 21، 24 (توں؟)، 25 (لو) توں 28، 30 آیتاں

1- نوکد نضر نے اک سونے دی مورتی بنوائی جیدی لمبائی سٹھ ہتھ تے چوڑائی چھ ہتھ سی۔

4- تداک مناد نے اُچی آواز نال پکار کے آکھیا اے لو کو! اے امتو! تے وکھریاں وکھریاں بولیاں بولن والیو! تہاڈے لئی ایہہ حکم اے پئی۔

5- جیس ویلے قرنا تے نئے تے ستار تے رباب تے بربط تے چغانہ تے ہر طراں دے ساز دی آواز سنوتے اوس مورتی دے سامنے جنہوں نوکد نضر بادشاہ نے کھڑا کیتا اے سجدہ کرو۔

6- تے جیہڑا کوئی ڈگ کے سجدہ نہ کرے اوسے ویلے اک دی بلدی بھٹی وچ سٹیا جاوے گا۔

8۔ ایس لئی اوس ویلے کجھ کسدیاں نے آکے یہوداہ اُتے الزام لایا۔

9۔ اوہناں نے نبوکد نصر بادشاہ نوں آکھیا۔

12۔ ہن کجھ یہودی نیں جنہاں نوں توں بابل دے صوبے دی کارپردازی لئی رکھیا اے یعنی سدرک تے میسک تے عبدنجو۔ اوہناں بندیاں نے اے بادشاہ تیری وڈیائی نیں کیتی۔ اوہ تیرے معبوداں دی عبادت نیں کردے تے اوس سونے دے مورتی نوں جنہوں توں کھڑا کیتا اے سجدہ نیں کردے۔

13۔ تدنبوکد نصر نے قہر تے غصے نال حکم دتا پئی سدرک تے میسک تے عبدنجو نوں حاضر کرو تے اوہناں نے اوہناں بندیاں نوں بادشاہ دے سامنے حاضر کیتا۔

14۔ نبوکد نصر نے اوہناں نوں آکھیا اے سدرک تے میسک تے عبدنجو کیہ ایہہ سچ اے پئی تسی میرے معبوداں دی عبادت نیں کردے تے اوس سونے دی مورتی نوں جنہوں میں کھڑا کیتا اے سجدہ نیں کردے؟

15۔ ...جے سجدہ نہ کرو گے تے اوسے ویلے ای اگ دی بلدی بھٹی وچ سٹے جاؤ گے تے کیہڑا دیوتا تہا نوں میرے ہتھوں چھڑا دے گا؟

16۔ سدرک تے میسک تے عبدنجو نے بادشاہ دے سامنے آکھیا پئی اے نبوکد نصر ایس گل وچ اسی تینوں جواب دینا ضروری نیں سمجھدے۔

17۔ ویکھ ساڈا رب جیدی اسی عبادت کردے آں ساہنوں اگ دی بھٹی وچوں چھڑاؤن دی قدرت رکھدا اے تے اے بادشاہ اوہ ساہنوں تیرے ہتھوں چھڑائے گا۔

18۔ تے نیں تے اے بادشاہ تینوں پتا ہووے پئی اسی تیرے معبوداں دی عبادت نیں کراں گے تے اوس سونے دی مورتی نوں جنہوں توں کھڑا کیتا اے سجدہ نیں کراں گے۔

19۔ تدنبوکد نصر قہر نال بھر گیا تے اوہ دے مکھڑے دارنگ سدرک تے میسک تے عبدنجو اگے بدل گیا تے اوہنے حکم دتا پئی بھٹی دی اگ معمول توں ست گنا ودھا دیو۔

20۔ تے اوہنے اپنے لشکر دے کجھ زوروالے بندیاں نوں حکم دتا پئی سدرک تے میسک تے عبدنجو نوں بھکے اگ دی بلدی بھٹی وچ سٹ دیو۔

21- تداوہ بندے اپنے پائے ہوئے قیضاں تے عمامیاں سمیت بنھے گئے تے اگ دی بلدی بھٹی وچ سٹ دتے گئے۔

24- تد بنوکد نضر بادشاہ حیران ہو کے جھیتی نال اٹھیا تے ارکان دولت نال مخاطب ہو کے آکھن لگیا پئی کیہ اسی تن بندیاں نوں بنھ کے اگ وچ نئیں سٹوایا؟ اوہناں نے جواب دتا پئی بادشاہ نے ٹھیک آکھیاے۔

25- اوہنے آکھیا ویکھو میں چار بندے اگ وچ کھلے پھر دے ویکھداواں تے اوہناں نوں کوئی نقصان نئیں ہوئی تے چوتھے دی شکل الہ زادورگی اے۔

26- تد بنوکد نضر نے اگ دی بلدی بھٹی دے بوہے اُتے آ کے آکھیا اے سدرک تے میسک تے عبد نجور ب تعالیٰ دے بندو! باہر نکلو تے ایسہ ہر آؤ۔ ایس لئی سدرک تے میسک تے عبد نجواگ وچوں نکل آئے۔

27- تد ناظمیاں تے حاکماں تے سرداراں تے بادشاہ دے مشیراں نے آ کے اوہناں بندیاں اُتے نظر کیتی تے ویکھیا پئی اگ نے اوہناں دے بدناں اُتے کجھ اثر نئیں کیتا تے اوہناں دے سردا اک وال وی نہ سڑیا تے اوہناں دے کپڑیاں نوں وی کوئی فرق نئیں پیا تے اوہناں وچوں اگ نال سڑن دی بووی نئیں سی آؤندی۔

28- ایس لئی بنوکد نضر نے پکار کے آکھیا پئی سدرک تے میسک تے عبد نجودار ب دھن ہووے جنسے اپنا فرشتہ گھل کے اپنے بندیاں نوں رہائی دتی جنہاں نے اوہ دے اُتے بھروسہ کر کے بادشاہ دے حکم نوں ٹال چھڈیا تے اپنے بدناں نوں قربان کیتا پئی اپنے رب دے سوکسے ہو ر معبود دی عبادت تے بندگی نہ کرن۔

30- فیر بادشاہ نے سدرک تے میسک تے عبد نجو نوں بابل دے صوبے وچ سرفراز کیتا۔

3- زبور 115 باب 1 توں 9 آیتاں

1- ساہنوں نئیں! اے ربا! ساہنوں نئیں بلکہ تواپنے ای ناں نوں اپنی شفقت تے سچائی دی خاطر جلال دے۔

2- قوماں کیوں آکھن پئی ہن داوہناں دارب کتھے اے؟

3- ساڈار ب تے اسمان اُتے اے۔ اوہنے جو کجھ چاہیا اوہ ای کیتا۔

- 4۔ اوہناں دے بت چاندی تے سونا نیں یعنی بندیاں دے ہتھ دیاں بنیاں شیواں۔
- 5۔ اوہناں دے مونہہ ہے نیں پر اوہ بولدے نیں۔ اکھیاں ہے نیں پر اوہ ویکھدے نیں۔
- 6۔ اوہناں دے کن ہے نیں پر اوہ سن دے نیں۔ نک ہے نیں پر اوہ سُنکدے نیں۔
- 7۔ اوہناں دے ہتھ ہے نیں پر اوہ چھوندے نیں۔ پیر ہے نیں پر اوہ تَر دے نیں۔ تے اوہناں دے گلے وچوں آواز نیں نکدی۔
- 8۔ اوہناں نوں بناؤن والے اوہناں ورگے ای ہو جان گے۔ بلکہ اوہ سارے جیہڑے اوہناں اُتے بھروسہ کردے نیں۔
- 9۔ اے اسرائیل! خداوند اُتے بھروسہ رکھ۔ اوہ ای اوہناں دی کمک تے اوہناں دی سپرے۔

4۔ لوقا 4 باب 1 (توں پہلی، آیت)

1۔ فیریسوع پاک روح نال بھریا ہو یا یردن توں پر تیا۔

5۔ لوقا 8 باب 22 تا 25 آیتاں

- 22۔ فیراک دن ایخ ہو یا پئی اوہ تے اوہدے چیلے کشتی اُتے چڑھے تے اوہنے اوہناں نوں اکھیا پئی آؤ اسی جھیل دے پار چلے۔ ایس لئی اوہ ٹر گئے۔
- 23۔ پر جدوں کشتی جارہی سی تے اوہ سوں گیا تے جھیل اُتے بڑی ہنیری آئی تے کشتی پانی نال بھرن لگ پئی تے اوہ خطرے وچ سی۔

- 24۔ اوہناں نے اوہدے کول آکے اوہنوں جگایا تے آکھیا اے صاحب اے صاحب اسی مرن ڈیئے آں! اوہنے اٹھ کے ہواتے پانی دے زور شور نوں جھڑکیا تے دونویں تھم گئے تے سکون ہو گیا۔
- 25۔ اوہنے اوہناں نوں آکھیا پئی تہاڈا ایمان کتھے اے؟ اوہ ڈر گئے تے حیران ہو کے آپس میں آکھن لگے پئی ایہہ کون اے؟ ایہہ تے ہواتے پانی نوں حکم دیندا اے تے اوہ اوہدی من دے نیں۔

6۔ 2 کرنتھیوں 4 باب 1، 6 آیتاں

- 1۔ ایس لئی جد ساڈے اُتے اجیہا رحم ہو یا پئی ساہنوں ایہہ سیوا ملی تے اسی ہمت نئیں ہار دے۔
- 6۔ ایس لئی پئی رب ای اے جسے آکھیا پئی، ہنیرے وچوں لوچکے تے اوہ ای ساڈے دلاں وچ چمکیا تاں جو رب دے جلال دی پچھان دی لو یسوع مسیح دے مکھڑے توں جلوہ گر ہووے۔

سائنس تے صحت

1۔ 9:468 (اوچھے)۔ 15

مادے وچ نہ کوئی حیاتی، سچیائی، ذہانت تے نہ ای مواد ہندا اے۔ کیوں جے رب سب دا حاکم اے ایس لئی سب کچھ لا متناہی سیان تے اوہدالا متناہی اظہار اے۔ روح لافانی سچیائی اے؛ مادہ فانی غلطی اے۔ روح ابدی تے حقیقی اے؛ مادہ

غیر حقیقی تے عارضی اے۔ روح رب اے تے انسان اوہدی شکل تے صورت۔ ایس لئی انسان مادی نہیں بلکہ روحانی اے۔

2- 24-19:302

ہستی دی سائنس انسان نوں کامل ظاہر کر دی اے، ایتھوں تیکر پئی جیویں پیو کامل اے کیوں جے روحانی انسان دی جند یا سیان رب اے، جیہڑا ساریاں مخلوقاں دا الہی اصول اے، تے ایہہ ایس لئی پئی ایس حقیقی انسان اُتے فہم دی بجائے روح دی حکمرانی ہندی اے، یعنی شریعت دی روح دی، نہ کہ نال دے ای مادے دے قانوناں دی۔

3- 9-4:139

شروع توں اخیر تیکر، سارا کلام پاک مادے اُتے روح، سیان دی فتح دے واقعاں نال بھریا ہو گیا اے۔ موسیٰ نے سیان دی طاقت نوں ایہدے راہیں ثابت کیتا جنہوں انسان معجزے آکھدا اے؛ ایسے طراں یثوع، ایلیا تے الیشع نے وی کیتا۔ مسیحی دور نوں علامتاں تے عجیب کماں دی مدد نال ودھایا گیا۔

4- 6-1:275 (مادہ)

مادے وچ گواؤن لئی حیاتی نہیں اے، تے روح کدی مردی نہیں اے۔ سیان دی مادے نال شراکت داری قادر مطلق تے ہر تھاں موجود سیان نوں نظر انداز کرے گی۔ ایہہ ظاہر کر دالے پئی مادہ رب، روح توں نہیں جیہ تے ایہہ ہمیشہ دا نہیں اے۔ ایس لئی مواد مادی، جیوندہ نہیں تے نہ ای سمجھدا اے۔

بائبل دا ایہہ سبق پلین فیلڈ کرچن چرچ، آزاد دلوں تیار ہو یا۔ ایہہ کنگ جیمز بائبل ویاں آیتاں تے میری بیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

5- 17-8:479

مادہ نہ تے قائم بالذات اے تے نہ ای روح دی پیداوار اے۔ فانی سوچ دی اک تصویر، جیہڑی ریٹینا تے جھلکتی اے، ایہہ ای سب کجھ اے جو اکھ ویکھدی اے۔ مادہ ویکھ، محسوس، چکھ تے سَنگھ نئیں سکدا۔ خود شناس نئیں اے، اپنے آپ نوں محسوس، اپنے آپ نوں ویکھ تے نہ اپنے آپ نوں سمجھ سکدا اے۔ نام نہاد فانی سیان نوں ہٹا دیئے، جیہڑی مادے دی فرض کیتی ہوئی خودی نوں بناؤندی اے، تے مادہ مادے نوں ای پہچان نئیں سکدا۔ کیہ اوہ شے جنہوں اسی مردہ آکھدے آں کدی ویکھ، سُن، محسوس یا بدنی حساں وچوں کجھ وی ورتدی اے؟

6- 22-12:274

روح دیاں حساں پیار وچ وسدیاں نئیں تے اوہ سچائی تے حیاتی نوں ظاہر کر دیاں نئیں۔ ایس لئی مسیحیت تے سائنس جیہڑے ایہنوں بیان کردے نئیں اوہ روحانی فہم اُتے نیوں رکھدے نئیں تے اوہ مادے دے نام نہاد قانوناں اُتے فوقیت رکھدے نئیں۔ یسوع نے ایس زبردست اصلیت نوں ظاہر کیتا۔ جنہاں نوں اسی غلطی نال پنج بدنی حساں دانناں دینے آں جد اوہناں نوں غلط رخ دتا جاندا اے، تے اوہ بس فانی سیان دے دسے ہوئے عقیدے ہندے نئیں، جیہڑے ایس گل نوں پک کر دے نئیں پئی حیاتی، مواد تے ذہانت روحانی دی بجائے مادی نئیں۔ ایہہ جھوٹے عقیدے تے لیہناں دی پیداوار بدن نوں بناؤندی نئیں تے بدن روح دے نال لڑائی کردا اے۔

7- 10-4:393 (توں پہلی۔)

بدن آپ کم کرن والا دکھالی دیندا اے، بس ایس لئی کیوں جے مادی فہم اپنے آپ توں، اپنے سارے کماں توں، اوہناں دے نتیجیاں توں بے خبر ہندا اے، ایس گل توں بے خبر ہندا اے پئی سارے بھیڑے اثراں دی پُرکشش، لگی ہوئی، تے دلچسپ وجہ نام نہاد مادی سیان دا قانون اے نہ پئی مادے داسیان بدنی حساں دی مالک اے، تے بیماری، پاپ تے موت نوں فتح کر سکدی اے۔

8- 14-1:122

بدنی حساں دا ثبوت کئی واری ہستی دی اصلی سائنس نوں بدل دیندا اے، تے اتخ پاپ، بیماری تے موت نوں ظاہری طاقت عطا کر دیاں ہوئے مخالفت دی سلطنت قائم کر دالے؛ پر چنگا سمجھیا جاوے تے حیاتی دے وڈھے حقائق غلطیاں دی ایس تکیوں نوں شکست دیندے، ایہدی جھوٹی گواہی دی مخالفت کر دے، تے آسمان دی بادشاہی نوں ظاہر کر دے نیں، جیہڑا دھرتی اُتے ہم آہنگی دی اصل سلطنت اے۔ مادی حساں دا روح دی سائنس نوں بدلنا عملی طور تے اُنی سو سال پہلاں یسوع دے اظہار دے پاروں سامنے لیا گیا، ایس لئی ایہہ نام نہاد حساں ہالے وی فانی سیان نوں فانی بدن دے مددگار بناؤندے تے دماغ تے اعصاب ورگے مادے دے خاص حصیاں نوں پیڑتے خوشی دیاں نشستیاں دے طور تے لاگو کر دے نیں، جتھوں ایہہ نام نہاد سیان اپنی خوشی یاد کھ دی حالت نوں بیان کر دی اے۔

9- 16-9:543

پنج مادی جسمانی حساں روح دی پچھان نیں کر سکدیاں۔ اوہ اوہدی حضوری وچ نیں آسکدے، تے اوہناں نوں سُفیناں دے جگ وچ ای رہنا پیندا اے، جدوں تیکر بندے ایس سمجھ تیکر نیں اپڑدے پئی مادی حیاتی، اپنے سارے پاپ، بیماری تے موت دے نال، اک فریب نظری اے، جیدے خلاف الہی سائنس اک ختم کرن دی لڑائی وچ شامل اے۔ وجودیت دیاں وڈھیاں اصلیتاں غلطی دے پاروں کدی خارج نیں کیتیاں جان دیاں۔

10- 26-24،23-14:478

سوال۔ کیہ دماغ سوچدا، تے اعصاب محسوس کر دے نیں، تے کیہ ذہانت مادے وچ اے؟

جواب۔ نیں۔ جے رب سچا اے تے انسان اک جھوٹا اے تے نیں۔ ایہہ دعویٰ پئی مادے وچ پیرٹیا سواد ہو سکدا اے غلط اے۔ اوہ بدن سب توں بوہتا ہم آہنگ اے جیدے وچ قدرتی کماں دا اخراج گھٹ توں گھٹ واضح ہندا اے۔ جے مادہ غیر ذہین تے دماغی گوشے سوچ نیں سکدے تے ذہانت مادے وچ کیوں رہ سکدی اے؟ مادہ سیان دے کم پورے نیں کر سکدا۔ غلطی آکھدی اے، ”میں انسان واں،“ پر ایہہ عقیدہ فانی اے تے ایہہ اصلیت توں بوہت دور اے۔ شروع توں اخیر تیکر، جو کجھ وی فانی اے اوہ انسانی مادی عقیدیاں نال بنیا اے تے ہو راوہ کجھ وی نیں اے۔

11- 28-21،15-3:273

انسانی عقیدے نے بوہت ساریاں ایجاداں دریافت کیتیاں نیں، پر اوہناں وچوں کوئی اک وی الہی اصول دے بغیر الہی سائنس دے ہوون والے مسئلے نوں حل نیں کر سکدی۔ مادی قیاس دیاں تفریقاں سائنسی نیں۔ اوہ سچی سائنس توں فرق ہندیاں نیں کیوں جے اوہ الہی قانون اُتے نیوں رکھدیاں۔

الہی سائنس مادی حساں دی جھوٹی گواہی نوں بدل دیندی اے تے اینج غلطی دیاں نیماں نوں توڑ دیندی اے۔ ایس لمی سائنس تے حساں وچ ویر تے حساں دی غلطیاں پاروں کامل سمجھ نوں حاصل کرن دے ناممکنات نوں مکا دیندے نیں۔

رب نے روحانی قانون نوں مکلن لئی مادی قانون نوں کدی مقرر نہیں کیتا۔ جے کوئی اجیہا مادی قانون ہے سی تے اوہ روح یعنی رب دی بالادستی دے خلاف تے خالق دی حکمت اُتے اعتراض کرن والا سی۔ یسوع مادی قانوناں دی سدھی مخالفت وچ پانی اُتے ٹریا، جتھے نوں روٹی کھوائی، بیمار نوں شفا دتی، تے مر دیاں نوں زندہ کیتا۔ اوہ دے کم مادی جس یا قانون دے جھوٹے دعویاں اُتے حاوی ہوندیاں ہوئے سائنس دا اظہار سی۔

12- 32-3، 12-7:204

ایہہ منناں پئی مادے وچ حیاتی اے، تے ایہہ پئی پاپ، بیماری تے موت رب دے بنائے ہوئے نیں، ایہہ غلطی کدوں سامنے آوے گی؟ ایہہ کدوں سمجھیا جاوے گا پئی مادے وچ نہ تے ذہانت، حیاتی اے تے نہ ای احساس اے تے ایہہ پئی ایہد اُلٹ ایمان ساریاں دُکھاں دا پھلدار وسیلہ اے؟

جدوں اسی الہی دے نال اپنے رشتے نوں پوری طراں سمجھدے آں، تے اسی کوئی ہو رسیاں نہیں رکھدے ماسوائے اوہدی سیان دے، کوئی ہو ر محبت، حکمت یا سچائی نہیں رکھدے، حیاتی دا کوئی ہو ر فہم نہیں رکھدے، تے مادے یا غلطی دی وجودیت دا کوئی ہو ر شعور نہیں رکھدے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیش گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔